



*Handwritten text, possibly a signature or title, located at the top center of the page.*

**GLORIOSIS NATALIBUS**

Quos

*Serenissimus & Potentissimus Princeps ac Dominus*

**DN. FRIDERICUS GVILIELMUS,**

Marchio Brandenburg. S. R. I. Archi-Camer.

& Elector. Heros incomparabilis &c. &c. &c.

Ex

*Serenissima Celsissimaq; Principe ac Domina*

**DN. L V D O V I C A,**

Principe Auriaca, Comite Nassov. &c. &c. &c.

Heroina Illustrissima

**SECUNDO GENITO SERENISSIMO FILIO**

Suo magnificentissimè celebrat

*Quibusq; in publicâ Panegyri solemnî Oratione gratulabatur*

*die. 2. Maij 1655. in incluta Universitate Rostochiensi*

*Vir Clarissimus*

**DN. JACOBUS HELVVIGIUS, Ph. Mag.**


dicatus Scazon.

à

**CONVICTORIBUS.**

---

ROSTOCHII, Typis Heredum NICOLAI KILII, Acad. Typogr.



Icina Tu Borystenis solo gaude  
Borussia, & tu Brandenburgici  
tellus

Superba Principis, medullitus  
firmum

Deprome gaudium. Remotus  
applausus


Dolore cuncto jubilumq; prolixum  
Edatur à TE Clivix atq; Stettini  
Agelle, clare fertilissimis campis.  
Dum Sarmatarum Rex rebellium terror,  
Russum decus fidelium, jubar Regni  
Latatur intimè. Vianda jam pugna  
Dat signa gaudii piissimi. Natus  
ILLUSTRIS HEROS, fasciumq; successor  
Domus paternæ sidus, & decus mundi:  
Impleta spes, quam ardentioribus votis  
Optavit omnis Marchiæ bonus Civis,  
Petiitq; quem suspiriis soboles Magni  
Ducis FRIDRICI maximiq; Dynastæ.  
Lustrum peractum & quinquies coruscus Sol  
Per flammei palatium poli augustum  
Cucurrit indefessus, inquires, certus:  
Cum, vah dolor! columna Principum firma  
Ex Brandenburgicis rueret brevi lapsu  
Cum sæva Parca fila rumperet vitæ  
Et membra parva conderet tua **WILHELME**  
**HEN-**

HENRICE; tum lugebat incluta Dynastæ  
Aula, & solutis gaudiis meritò flebat  
Induta nigris vestibus cohors omnis.  
Sed nunc ( Tibi supreme JOVA sint grates  
Et jure debentur ) quod OPTIMUM PATREM  
Itrum beasti PROLE bellulà. Salve  
Salve, PUELLE, illustrius DEI pignus  
Terris datum, sanguisq; Regum avitorum  
Tu gloria es paterna, splendor & Gemma  
Amorq; subditi. O future TRAJANE!  
Sic est quidem PRINCEPS FRIDRICE  
WILHELME

Fortis, potens, clemens, generose & illustris,  
Phlegon refulgens hancce purpurans terram  
Fulgore splendido recreans chaos mundi,  
Si mergeret sese semel gelido ponto,  
Nec surgeret dein recens tenebris pulsus,  
Quid commodi mortalibus dies una  
Afferret? atq; sic revocantibus fatis  
Si Principem mori ultimus dies vellet  
Nec ille haberet pignus è thoro charum,  
Cui sceptrum regni traderet Coronamq;  
An non gravaretur minister & duro  
Sub Principis jugo peregrini & insciti  
Gemisceret? Felix ter & amplius TU DUX  
Tu Principum Germaniæ rutilans Stella;  
Hæres adest, regno tuo datus, justus.  
Hinc nos TIBI gratamur, INCLUTE DYNASTA,  
Submissiori mente, corde devoto.  
Et Tu, PUELLE ILLUSTRIS, ad patriam coelum

Serus

Seruis tuam tandem redeas: erisq; olim  
Atlas futuri imperii, mali Vindex,  
Promotor æqui, columenq; Musarum.  
Viresce, flore lætus, impiger, salvus.  
Laudamus & propositum tuum, Clare  
Magister HELWIGI, Colende vir nobis,  
Quod prospera tuo Principi precatus sis  
Quam plurima in cætu Patrum Scholæ nostræ.  
Jungamus eja vota nostra. Regnator  
Summi poli, Tu fac ratas preces nostras.



Hist. Boemus, 13

